

摛藻堂四庫全書薈要

集部

欽定四庫全書
欽定全唐詩卷三十六

集部

御定全唐詩卷三十一

魏徵

魏徵字玄成，魏州曲城人。少孤落魄，有大志。初為太子洗馬。太宗即位，拜諫議大夫、秘書監尋晉檢校侍中。封鄭國公。以疾辭職，拜特進，仍知門下省事。徵性諒直，知無不言。太宗或引至臥內，訪天下事，嘗以古名臣稱之。校輯秘省羣書及撰齊梁陳周隋諸史序論，多出其手。

卒謚文貞集二十卷今編詩一卷

五郊樂章

唐書樂志曰祀五方上帝五郊樂祀黃帝降神奏宮音皇帝行用太和登

歌奠

玉帛用肅和

迎俎用雍和酌獻飲福用壽

和送文舞出迎武舞入用舒和

武舞用凱安送

用豫和其太和壽和凱安豫和四章辭同闋

神用丘祀青帝降神奏角音祀赤帝降神奏徵音祀

白帝降神奏商音祀黑帝

黃帝宮音

黃中正位含章居貞既長六律兼和五聲畢陳萬舞乃
薦斯牲神其下降永祚休平

肅和

眇眇方輿蒼蒼圜蓋至哉樞紐宅中圖大氣調四序風
和萬籟祚我明德時雍道泰

雍和

金懸夕肆玉俎朝陳饗薦黃道芬流紫辰迺誠迺敬載
享載禋崇薦斯在惟皇是賓

舒和

御徵乘宮出郊甸安歌率舞遞將迎自有雲門符帝賞

猶持雷鼓答天成

青帝角音

鶴雲旦起鳥星昏集律候新風陽開初蟄至德可饗行
潦斯浥錫以無疆蒸人乃粒

肅和

玄鳥司春蒼龍登歲節物變柳光風轉蕙瑶席降神朱
絃饗帝誠備祝嘏禮殫珪幣

雍和

大樂稀音至誠簡禮文物棣棣聲名濟濟六變有成三
登無體迺眷豐絜恩覃愷悌

舒和

笙歌籥舞屬年韶驚鼓亮鐘展時豫調露初迎綺春節
承雲遽踐蒼霄馭

赤帝徵音

青陽告謝朱明戒序咸長是祈敬陳椒醑博碩斯薦笙
鏞備舉庶盡肅恭非馨稷黍

肅和

離位克明火中宵見峯雲暮起景風晨扇木槿初榮含
桃可薦芬馥百品錦鱗三變

雍和

昭昭丹陸奕奕炎方禮陳牲幣樂備箋簧瓊羞溢俎玉
醑浮觴恭惟正直歆此馨香

舒和

千里溫風飄絳羽十枝炎景勝朱干陳觴薦俎歌三獻

拊石撻金會七盤

白帝商音

白藏應節天高氣清歲功既阜庶類収成萬方靜謐九
土和平馨香是薦受祚聰明

肅和

金行在節素靈居正氣肅霜嚴林凋草勁豺隼擊潦
收川鏡九穀已登萬箱流詠

雍和

律應西成氣躔南呂珪幣咸列笙竽備舉必必蘭羞芬
芬桂醑式資宴貺用調霜序

舒和

璿儀氣爽驚緹籥玉呂灰飛含素商鳴鞞奏管芳羞薦
會舞安歌葆眊揚

黑帝羽音

嚴冬季月星迴風厲享祀報功方祚來歲

肅和

律周

一作回

玉琯星回

一作周

金度次極陽烏紀窮陰免火

林霰雪陽泉凝沍八蜡已登

三農息務

雍和

陽月斯紀應鍾在候載絜牲牷爰登俎豆既高既遠無

聲無臭靜言格思惟神保祐

舒和

執籥持羽初終曲朱干玉鍼始分行七德九功咸已暢

明靈降福具穰穰

享太廟樂章

唐書樂志曰貞觀中享太廟樂迎神用永和九變辭同皇帝行用太

和登歌酌鬯用肅和迎組用雍和獻皇祖宣簡

公皇祖懿王同用長發之舞景皇帝用大基之

舞元皇帝用大成之舞高祖用大明之舞皇帝

飲福用壽和送文舞出迎武舞入用舒和武舞

用凱安微俎用雍和送神用永

和其太和凱安辭同冬至圜丘

永和

於穆烈祖弘此丕基永言配命子孫保之百神既洽萬國在茲是用孝享神其格思

肅和

大哉至德允茲明聖格于上下聿遵誠敬嘉樂斯登鳴
球以詠神其降止式隆景命

雍和

崇茲享祀誠敬兼至樂以感靈禮以昭事粢盛咸絜牲
牷孔備永言孝思庶幾不匱

長發舞

唐會要曰貞觀十四年詔用顏師古
許敬宗議皇祖宣簡公懿王廟並奏

長發之舞取詩云濬
哲惟商長發其祥也

濬哲惟唐長發其祥帝命斯祐王業克昌配天載德就

日重光本枝百代申錫無疆

大基舞

猗與祖業皇矣帝先翦商德厚封唐慶延在姬猶稷方
晉踰宣基我鼎運于斯萬年

大成舞

周稱王季晉美帝文明明盛德穆穆齊芬藏用四履屈
道參分鏗鏘鐘石載紀鴻勲

大明舞

唐會要曰貞觀十四年詔用顏師古等議高祖廟奏大明之舞取易曰大

明終始六位時成詩有大
明之篇稱文王有明德也

五紀更運三正遞升飭華既沒禹湯勃興神武命代靈
眷是膺望雲彰德察緯告徵上紐天維下安地軸徵師
涿野萬國咸服偃伯靈臺九官允穆殊域委賓懷生介
福大禮既飾大樂已和黑章擾固赤字浮河功宣載籍
德被詠歌克昌厥後百祿是荷

壽和

八音斯奏三獻畢陳寶祚惟永暉光日新

舒和

聖敬通神光七廟靈心薦祚和萬方嚴禋克配鴻基遠
明德惟馨鳳歷昌

雍和

於穆清廟聿修嚴祀四縣載陳三獻斯止籩豆撤薦人
祇介祉神惟格思錫祚不已

永和

肅肅清祀蒸蒸孝思薦享昭備虔恭在茲雍歌撤俎祝

嘏陳辭用光武志永固鴻基

賦西漢

本傳云太宗幸洛陽燕羣臣積翠池酒酣命各賦一事徵賦西漢卒云終藉取

孫禮方知皇帝尊帝曰微言未嘗不約我以禮

受降臨軼道爭長趣鴻門驅傳渭橋上觀兵細柳屯夜宴經柏谷朝遊出杜原終藉叔孫禮方知皇帝尊

暮秋言懷

首夏別京輔杪秋滯三河沈沈蓬萊閣日夕鄉思多霜剪涼暗蕙風捎幽渚荷歲芳坐淪歇感此式微歌

迷懷一作出關

中原初還逐鹿投筆事戎軒縱橫計不就慷慨志猶

存杖策謁天子驅馬出關門請纓繫南粵憑軒下東藩

鬱紆陟高岫出沒望平原古木鳴寒鳥一作雁

猿既傷千里目還驚九折逝魂豈不憚艱險深懷國

士恩季布無二諾侯羸重一言人生感意氣功名誰復

論

奉和正日臨朝應詔

百靈侍軒后萬國會塗山豈如今睿哲邁古獨光前聲
教溢四海朝宗引百川鏘洋鳴玉佩灼爍耀金蟬淑景
輝雕輦高旌揚翠煙庭實超王會廣樂盛鈞天既欣東

日戶一作既傾

復詠南風篇願奉光華慶從斯億萬年

御定全唐詩卷三十一

送神用豫和其豫和太和壽
和凱安五章詞同冬至圜丘

肅和

履艮斯繩居中體正龍運垂祉昭符啟聖式事嚴禋聿懷嘉慶惟帝永錫時皇休命

雍和

殷薦乘春太壇臨曙八簋盈和六瑚登御嘉稷匪欹德馨斯飫祝嘏無易靈心有豫

舒和

玉帛犧牲申敬享金絲鍼羽盛音容庶俾億齡禔景福

長欣萬宇洽時邕

明堂樂章

唐書樂志曰季秋享上帝于明堂降神用豫和皇帝行用太和登歌奠玉

帛用肅和迎俎用雍和酌獻飲福用壽和送丈

舞出迎武舞入用舒和武舞用凱安送神用豫

和其豫和太和壽和凱

安五章詞同冬至圜丘

肅和

象天御宇乘時布政嚴配升虔宗禋展敬樽罍盈列樹
羽交映玉幣通誠祚隆皇聖

雍和

八牖晨披五精朝奠霧凝璇篚風清金縣神滌備全明
粢豐衍載結彝俎陳誠以薦

舒和

御宸合宮承寶歷席圖重館奉明靈偃武修文九圍泰
沈烽靜柝八荒寧

雩祀樂章

唐書樂志曰孟夏雩祀上帝于南郊降神用豫和皇帝行用太和登歌奠

玉帛用肅和迎俎用雍和酌獻飲福用壽和送文舞出迎武舞入用舒和武舞用凱安送神用

豫和其豫和太和壽和凱
安五章詞同冬至圜丘

肅和

朱鳥開辰蒼龍啟暎大帝昭饗羣生展敬禮備懷柔功
宣舞詠旬液應序年祥叶慶

雍和

紺筵分彩璇圖吐絢鳳一作風管晨凝雲歇曉囀肅事頻

藻一作蘭蓋虔申桂奠百穀斯登萬箱攸薦

舒和

鳳曲登歌調令序龍雩集舞泛祥風綠旛雲迴昭睿德
朱干電發表神功

享先農樂章

唐書樂志曰貞觀中享先農樂迎神用誠和皇帝行用太和登歌奠玉帛

用肅和迎俎用雍和酌獻飲福用壽和送文舞出迎武舞入用舒和武舞用凱安送神用誠和其太和壽和凱安

詞同冬至圜丘

誠和

粒食伊始農之所先古今攸賴是曰人天耕斯帝籍播厥公田式崇明祀神其福焉

肅和

樽彝既列瑚簋方薦歌工載登幣禮斯奠肅肅享祀顥
顥纓弁神之聽之福流寰縣

雍和

前夕視牲質明奉俎沐芳整弁其儀式序盛禮畢陳嘉
樂備舉歆我懿德非馨稷黍

舒和

羽籥低昂文綴已干戚蹈厲武行初望歲祈農神所聽

延祥介福豈云虛

祭神州樂章

唐書樂志曰貞觀中祭神州于北郊迎神用順和皇帝行用太和登

歌奠玉帛用肅和迎俎用雍和酌獻飲福用壽
和送文舞出迎武舞入用舒和武舞用凱安送
神用順和順和詞同夏至方丘太和

壽和凱安詞同冬至圜丘並亮等作

肅和

大矣坤儀至哉神縣包含日域牢籠月竈露絜三清風
調六變皇祇屆止式歆恭薦

雍和

泰折嚴享陰郊展敬禮以導神樂以和性玄牲在列黃
琮俯暎九土既平萬邦一作拜貽慶

舒和

坤道降祥和庶品靈心載德厚羣生水土既調三極泰
文武畢備九區平

祭方丘樂章

唐書樂志曰貞觀中夏至祭皇地祇於方丘迎神用順和皇帝行用

太和登歌奠玉帛用肅和迎俎用雍和酌獻飲福用壽和送文舞出迎武舞入用舒和武舞用凱安其太和壽和凱安

三章詞同

冬至闕丘

順和

萬物資以化交泰屬昇平易從業惟簡得一道斯寧具
儀光玉帛送舞變咸英黍稷良非貴明德信惟馨

肅和

至矣坤德皇哉地祇開元統紐合大承規九宮肅列六
典相儀永言配命長保無虧

雍和

柔而能方直而能敬厚德以載大亨以正有滌斯牷一

牲有馨斯盛介茲景福祚我休慶

舒和

玉帛牲牷分薦享羽旄干鍼遯成容一德惟寧兩儀泰
三才保合四時邕

順和

陰祇協贊厚載方貞牲幣具舉簫管備成其禮惟肅其
德惟明神之聽矣式鑒虔誠

臨高

江一作臺

高臺暫俯臨飛翼聳輕音浮光隨日度漾影逐波深迴
瞰周平野開懷暢遠襟獨此三休上還傷千歲一作里心

賦得蜀都

列宿光參

一作興

井分芒

一作土

跨梁岷沈犀對江浦駟馬

入城闕英圖多霸跡歷選有名臣連騎簪纓滿含章詞

賦新得上仙槎路無待訪嚴遵

奉和詠日午

曦車日亭午浮箭未移暉日光無落照樹影正中圍草

萎看稍靡葉燥望疑稀晝寢慙經笥暫解入朝衣

奉和望月應魏王教

層軒登皎月流照滿中天色共梁珠遠光隨趙璧圓落影臨秋扇虛輪入夜弦所欣東館裏預奉西園篇

詠花燭

一作
燭花

蘭逕香風滿梅梁暖日斜言是東方騎來尋南陌車駕星臨夜燭睂月隱輕紗莫言春稍晚自有鎮開花

在龍頭哭潘學

一作
博

士

隴底嗟長別流襟一慟君何言幽咽所更作死生分轉
蓬飛不息悲松斷更聞誰能駐征馬回首望孤墳

奉和禁苑餞別應令

大藩初錫瑞出牧邇皇京暫以綠車重言承朱傳一作邸

榮舒桃臨遠騎垂柳映京營惠化宣千里威風動百城

禁籞芳嘉一作春

節神襟餞送情金笳催別景玉琯一作管

切離聲野花開更一作且

落山鳥哢還驚微臣夙多幸薄

宦奉儲明釣臺慙作賦伊水濫聞笙懷德良知久酬恩

識命輕

和御史韋大夫喜霽之作

晴天度旅鴈斜影照殘虹野淨餘煙盡山明一作開遠色

同沙平寒水落葉脆晚枝空白簡光朝幌形驄出禁中
急駕遊蘭版雕文折桂叢無因輕羽扇徒自仰仁風

晚別樂記室彥

窮途屬歲晚臨水忽分悲抱影同爲客傷情共一作去此

時霧色侵虛牖霜氣冷薄帷舉袂慘將別停杯帳不怡

風嚴征鴈遠雪暗去蓬遲他鄉有歧路遊子欲何之

傷始平李少府正已

勞息本相循悲歡理自均誰能免玄夜惜爾正青春邁
德惟家寶生才諒國珍高文綴翡翠茂學掩麒麟述作
紛無已言談妙入神斷腸雖累月分手未盈旬輔嗣俄
長往顏生即短辰聲華滿昭代形影委窮塵禪草迴中
使生芻引弔賓同遊秘府日方駕直城闉並拜黃圖右
分曹清渭濱風期嵇呂好存歿范張親虛座憐一作王

懷

述遺篇慟景純精靈與毫翰千祀壽何人

秋鴈

一作虞
世南詩

日暮霜風急羽翮轉難任為有傳書意翩翩入上林

句

神羊既不觸夕鳥欲依人

贈杜侍御
見詩式

御定全唐詩卷三十二

欽定四庫全書
欽定全唐詩卷一萬七千四百三十八

集部

御定全唐詩卷三十三

于志寧

于志寧字仲謐高陵人隋末有名高祖入關禮遇之為太宗天策府從事中郎侍從征伐兼文學館學士太宗宴貴臣內殿志寧以非三品不至上怪之特令預宴即加散騎常侍為太子詹事數有規諫高宗朝拜尚書左僕射兼太子少師集四十卷今存詩一首

冬日宴羣公於宅各賦一字得杯

陋巷朱軒擁衡門緹騎來俱裁七步詠同傾三雅杯色動迎春柳花發犯寒梅賓筵未半一作半未醉驪歌不用催

令狐德棻

令狐德棻宜州華原人博涉文史早知名高祖入關引直記室轉起居舍人遷秘書丞與侍中陳叔達等奉詔撰藝文類聚奏請修歷代史書德棻修周史仍總知類會梁陳齊隋諸史貞觀中累官禮部侍郎國子祭酒兼

崇賢館學士國家凡有修撰無不叅預集三十卷今存詩一首

冬日宴于庶子宅各賦一字得趣

高門聊命賞羣英於此遇放曠山水情留連文酒趣夕
煙起林蘭霜枝殞庭樹落景雖已傾歸軒幸能駐

封行高

封行高觀州脩人倫之兄予以文學知名貞觀中官至
禮部郎中詩一首

冬日宴于庶子宅各賦一字得色

夫君敬愛重歡言情不極雅引發清音麗藻窮雕飾水
結曲池冰日暖平亭色引滿既杯傾終之以弁側

杜正倫

杜正倫相州洹水人隋世重舉秀才天下不十人而正
倫與弟正玄正藏俱擢第一門三秀才為當時稱美太
宗召直秦府文學館貞觀元年以魏徵薦擢兵部員外
郎累遷中書侍郎兼太子左庶子叅典機密顯慶中拜
中書令貶橫州刺史集十卷今存詩二首

冬日宴于庶子宅各賦一字得節

李門余晏進徐榻君恒設清論暢玄言雅琴飛白雪寒
雲曖落景朔風淒暮節方欣投轄情且駐當歸別

玄武門侍宴

一作侍宴北門

大君端宸暇容賞狎林泉開軒臨禁築藉野列芳筵參
差歌管颺容裔羽旗懸玉池流若醴雲閣聚非煙湛露
晞堯日熏風入舜絃大德侔玄造微物荷陶甄謬陪瑤
水宴仍廁柏梁篇闕名徒上月鄒辯詎談天既喜光華

日還傷遲暮年猶冀升中日簪裾奉肅然

岑文本

岑文本字景仁鄧州人沈敏有姿儀博綜經史美談論善屬文貞觀初除秘書郎上籍田三元二頌辭甚工擢中書舍人所草詔誥或縲湊即命書僅六七人隨口並寫須臾悉成時中書侍郎顏師古以譖罷太宗曰朕自舉一人乃以授文本先與令狐德棻撰周史史論多出文本及史成封江陵縣子後拜中書令集六十卷今存

詩四首

奉和正元一作日臨朝

時雍表昌運日正叶靈符德兼三代禮功包四海圖踰
沙紛在列執玉儼相趨清蹕喧輦道張樂駭天衢拂蜺
九旗映儀鳳八音殊佳氣浮仙掌熏風繞帝梧天文光
七政皇恩被九區方陪瘞玉禮珥筆岱山隅

奉述飛白書勢

六文開玉篆八體曜銀書飛毫列錦繡拂素起龍魚鳳

舉崩雲絕鶯驚遊霧疎別有臨池草恩霑垂露餘

冬日宴于庶子宅各賦一字得平

金蘭篤惠好尊酒暢生平既欣投轄賞暫緩望鄉情愛
景含霜晦落照帶風輕於茲歡宴洽寵辱詎相驚

安德山池宴集

楊師道封
安德公

甲第多清賞芳辰命羽卮書帷通竹徑琴臺枕槿籬池
疑夜壑徙山似鬱洲移雕楹網蘿薜激瀨合墳麓鳥戲
翻新葉魚躍動清漪自得淹留趣一作寧勞攀桂枝

起

寧勞攀桂枝

劉洎

劉洎字思道，荊州江陵人。初授都督府長史，貞觀中拜給事中，轉治書侍御史。性疎峻，敢言，累官散騎常侍。太宗嘗宴羣臣，賜飛白字，或乘酒爭取於帝。手洎登御座，引手得之。帝笑曰：「昔聞婕妤辭輦，今見常侍登牀。」後遷侍中，被譖，賜死。集十卷，今存詩一首。

安德山池宴集

平陽擅歌舞，金谷盛招攜。
何如兼往烈，會賞叶幽栖。

均朝野致還欣物我齊春晚花方落蘭深徑漸迷蒲新
節尚短荷小蓋猶低無勞拂長袖直待夜烏啼

褚遂良

褚遂良字登善亮之子博涉文史尤工隸書貞觀中起
居郎召令侍書遷諫議大夫累官黃門侍郎參綜朝政
諫奏多所採納晉中書令永徽初出為同州刺史徵拜
吏部尚書進尚書右僕射以諫立武昭儀貶卒集二十

卷今存詩一首

安德山池宴集

伏櫪丹霞外，遮園煥景舒。
行雲泛層阜，蔽月下清渠。
亭中奏趙瑟，席上舞燕裾。
花落春鶯晚，風光夏葉初。
良朋比蘭蕙，雕藻邁瓊琚。
獨有狂歌客，來承歡宴餘。

楊續

楊續師道之兄，有辭學貞觀中為鄆州刺史詩一首

安德山池宴集

狹斜通鳳闕，上路抵青樓。
簪綾啟賓館，軒蓋臨御溝。
西

城多妙舞主第出名謳列峰疑宿霧疏鑿凝藏舟花蝶
辭風影瀨藻含春流酒闌高宴畢自反山之幽

劉孝孫

劉孝孫荊州人弱冠知名與虞世南蔡君和孔德紹庾
抱庾自直劉斌等登臨山水結為文會武德初歷虞州
錄事叅軍補文學館學士貞觀中遷太子洗馬撰古今
詩苑四十卷集三十卷今存詩七首

遊清都觀尋沈道士得仙字

紛吾因暇豫行樂極留連尋真謁紫府披霧覲青天
懷金闕外遐想玉京前飛軒俯松柏抗殿接雲煙滔滔
清夏景曠曠早秋蟬橫琴對危石酌醴臨寒泉聊祛塵
俗累寧希龜鶴年無勞生羽翼自可狎神仙

早發成臯望河

清晨發巖邑車馬走轆轤迴瞰黃河上惝恍屢飛魂鴻
流遵一作導積石驚浪下龍門仙槎不辨處沈璧想猶存
遠近洲渚出颯沓鳬鴈喧懷古空延佇歎逝將何言

遊靈山寺

吾王遊勝地驂駕歷祇園臨風畫角憤耀日采旗翻永懷筌了義寂念啟玄門深谿窮地脉高嶂接雲根信美諧心賞幽遠一作桂且攀援曳裾欣扈從方悟屏塵誼

冬日宴于庶子宅各賦一字得鮮

解襟遊勝地披雲促宴筵清文振筆妙高論寫言泉凍柳含風落寒梅照日鮮驪歌雖欲奏歸駕且留連

送劉散員同賦陳思王詩遊人久不歸一作賀

作賀

朝清

鄉關渺天末引領悵懷歸羈旅久淫滯物色屢芳菲稍
覺私意盡行看蓬鬢衰如何千里外佇立霑裳衣

詠笛

涼秋夜笛鳴流風韻

一作詠

九成調高時慷慨曲變或淒

清征客懷離緒鄰人思舊情幸以知音顧

一作故

千載有

奇一作高聲

賦得春鶯送友人

流鶯拂繡羽二月上林期待雪消金禁銜花向玉墀翅

掩飛燕舞啼憐婕妤悲料取金闕意因君問所思

一本下四

句倒在上又作賀

朝詩分作二首

陸敬

一作凌敬

陸敬仕竇建德為參酒秦王軍武牢敬說建德自太行
上黨進乘唐之虛以取山北建德不從以及於敗後歸
唐集十四卷今存詩四首

巫山高

巫岫鬱岑堯高高入紫霄白雲抱

一作間

危抱

一作抱

石玄猿

挂迴

一作迴挂

條懸崖激巨浪脆葉隕驚飈別有陽臺處風

雨共飄颻

遊隋故都

洛城聊顧步長想遂留連水闢宮初毀風變鼎將遷臯
陶德不建汾隅祀忽焉宗祊曠無象聲朔緬誰傳粉榆
何冷落禾黍鬱芊綿悲歌盡商頌太息憫周篇來蘇佇
聖德濡足乃乘乾正始淳風被人勞用息肩舞象文思

澤偃伯武功宣則百昌厥後於萬永斯年茲辰素商節
灰管變星躔平原悴秋草喬木斂寒烟翻黃墜疎葉凝
翠積高天參差海曲鴈寂寥柳門蟬興悼今如此悲愁
復在旃傍徨不忍去杖策屢迴遭

遊清都觀尋沈道士得都字

聊排靈瑣闥徐步入清都青谿冥寂士思玄徇道樞十
芒生藥笥七焰發丹爐縹袞桐君錄朱書王母符宮槐
散綠穗日槿落青樹矯翰雷門鶴飛來葉縣鳧凌風自

可御安事迫中區方追羽化侶從此得玄珠

七夕賦詠成篇

夙駕鳴鸞啟閭闈霓裳遙裔儼天津五明霜紈開羽扇
百和香車動畫輪婉寢夜分能幾許靚妝冶服為誰新
片時歡娛自有極已復長望隔年人

沈叔安

沈叔安官刑部尚書武德七年遣使高麗後為潭州都
督圖形凌煙閣集二十卷今存詩一首

七夕賦詠成篇

皎皎宵月麗秋光耿耿天津橫復長停梭且復留殘緯
拂鏡及早更新妝彩鳳齊駕初成輦雕鵲填河已作梁
雖喜得同今夜枕還愁重空明日牀

何仲宣

宣一
作誼

何仲宣武德貞觀問人詩一首

七夕賦詠成篇

日日思歸勤理鬢朝朝佇望懶調梭凌風寶扇遙臨月

映水仙車遠渡河歷歷珠星疑拖珮冉冉雲衣似曳羅
通宵道意終無盡向曉離愁已復多

趙中虛

趙中虛貞觀中人詩一首

遊清都觀尋沈道士得芳字

青谿阻千仞姑射貌汾陽未若游茲境探玄象妙場鶴
來疑羽客雲泛似霓裳寓目雖靈宇遊神乃帝鄉道存
真理得心灰俗累忘煙霞凝抗殿松桂肅長廊早蟬清

暮響崇蘭散晚芳即此翔寥廓非復控榆枋

楊濬

楊濬貞觀時人詩一首

送劉散員賦得陳思王詩明月照高樓

高樓一何綺素月復流明重軒望不極餘暉攬詎盈鏡
華當牖照鉤影隔簾生逆愁異尊酒對此難為情

御定全唐詩卷三十三

欽定四庫全要會要卷一萬七千四百三十九

集部

御定全唐詩卷三十四

楊師道

楊師道字景猷華陰人隋宗室也清警有才思入唐尚
桂陽公主封安德郡公貞觀中拜侍中參預朝政遷中
書令罷為吏部尚書師道善草隸工詩每與有名士燕
集歌詠自適帝每見其詩必吟諷嗟賞後賜宴帝曰聞
公每酣賞捉筆賦詩如宿構者試為朕為之師道再拜

少選輒成無所覩定一座嗟伏卒謚曰懿集十卷今編

詩一卷

隴頭水

隴頭秋月明隴水帶關城笳添離別曲風送斷腸聲
映雪峯猶暗乘冰馬屢驚霧中寒鴈至沙上轉蓬輕天山
傳羽檄漢地急徵兵陣開都護道効聚伏波營於茲覺

無渡一度方共濯胡纓

中書寓直詠雨簡褚起居上官學士

雲暗蒼龍闕沈沈殊未開窗臨鳳凰沼颯颯雨聲來

洪邁

以此四句為絕句

電影入飛閣風威凌吹臺長簷響奔溜清簾

肅浮埃早荷葉稍沒新篁枝半摧茲晨悵多緒懷友自難裁况復重城內日暮獨襄回玉堦良史筆金馬掞天

才高豐通散騎複道駕蓬萊思君贈桃李於此冀瓊瓊

闕題

見玉臺後集

漢家伊洛九重城御路浮橋萬里平桂戶雕梁連綺翼虹梁繡柱映丹楹朝光欲動千門曙麗日初照百花明

燕趙蛾眉舊傾國楚宮腰細本傳名二月桑津期結伴
三春淇水逐關情蘭叢有意飛雙蝶柳葉無趣隱啼鶯
扇裏細妝將夜並風前獨舞共花榮兩鬟百萬誰論價
一笑千金判是輕不為披圖來侍寢非因主第奉身迎
羊車詎畏青門閉兔月令宵照後庭

初秋夜坐應詔

玉琯涼初應金壺夜漸闌滄池流稍潔仙掌露方溥雁
聲風處斷樹影月中寒爽氣長空淨高吟覺思寬

賦終南山用風字韻應詔

眷

一作睿

言懷隱逸輶駕踐幽叢白雲飛夏雨碧嶺橫

一作一

冠春虹草綠長楊路花疎五柞宮登臨日將晚蘭桂起

香風

詠飲馬應詔

清晨控龍馬弄影出花林躞蹀依春澗聯翩度碧澗苔
流染絲絡水潔寫雕簪

一作調音

一御瑤池駕詎憶長城陰

初宵看婚

洛城花燭動戚里。畫新蛾。隱扇羞。應憒含情愁。已多輕
啼濕。紅粉微睇轉。橫波更笑巫山曲。空傳暮雨過。

侍宴賦得起坐彈鳴琴二首

一作楊希道詩

北林鶴夜飛。南軒月初進。調絃發清徵。蕩心祛褊惱。變
作離鴻聲。還入思歸引。長歎未終極。秋風飄素鬢。
絲傳園客意。曲奏楚妃情。罕有知音者。空勞流水聲。

詠琴

一作楊希道詩

久擅龍門質。孤竦嶧陽名。齊娥初發美。趙女正調聲。嘉

客勿遽反繁絃曲未成

詠笙

一作楊
希道詩

短長挿鳳翼洪細摹鸞音能令楚妃歎復使荆王吟切
切孤竹管來應雲和琴

應詔詠巢鳥

桂樹春暉滿巢鳥刷羽儀朝飛麗城上夜宿碧林陲背
風藏密葉向日逐疎枝仰德還能哺依仁遂可窺驚鳴
雕輦側王吉自相知

奉和夏日晚景應詔

輦路夾垂楊離宮通建章日落橫峰影雲歸起夕涼雕
軒動流吹羽蓋息迴塘雜草生還綠殘花落一作陳尚香

青巖類姑射碧澗似汾陽幸屬無為日歡娛尚一作方未央

奉和聖製春日望海

春山臨渤海征旅輟晨裝回瞰盧龍塞斜瞻肅慎鄉洪
波迴地軸孤嶼映雲光落日驚濤上浮天駭浪長仙臺

隱螭駕水府汎龜梁碣石朝煙滅之罘歸鴈翔北巡非

漢后東幸異秦皇舉旗一作旌羽林客跋距少年場龍一作

電擊驅遼水鷗飛出帶方將舉青丘繳安訪白霓裳

春朝閒步

休一作偃

沐乘閒豫清晨步北林池塘藉芳草蘭芷襲幽

衿霧中分曉日花裏美春禽野逕香恒滿山階苟屢侵

何須命輕蓋桃李自成陰

還山宅

暮春還舊嶺徒倚訖年華芳草無行逕空山正落花垂
藤掃幽石卧柳礙浮槎鳥散茅簷靜雲收澗戶斜依然
此泉路猶是昔煙霞

詠馬

寶馬權奇出未央雕鞍照曜紫金裝春草初生馳上苑
秋風欲動戲一作醉長楊鳴珂屢度章臺側細蹀經一作徑
向濯龍傍徒令漢將連年去宛城今已獻一作名明一作

奉和詠弓

霜重麟膠勁風高月影圓烏飛隨帝輦鴈落逐鳴弦

詠硯

圓池類璧水輕翰染煙華將軍欲定遠見棄不應賒

奉和正日臨朝應詔

皇猷被寰宇端宸屬元辰九重麗天邑千門臨上春

詠舞

一作楊
希道詩

二八如回雪三春類早花分行向燭轉一種逐風斜

御定全唐詩卷三十四

欽定四庫全書薈要卷一萬七千四百四十集部

御定全唐詩卷三十五

許敬宗

許敬宗字延族杭州新城人善心子也隋時官直謁者
臺奏通事舍人事入唐為著作郎兼修國史尋貶洪州
司馬累轉給事中復修史遷太子右庶子高宗即位擢
禮部尚書歷侍中中書令右相卒謚曰繆集八十卷今
編詩二十七首

奉和執契靜三邊應詔

玄塞隔陰戎朱光分昧谷地遊窮北際雲崖盡西陸星
次絕軒臺風衢乖禹服寰區無所外天覆今咸育竄苗
猶有孽戮負自貽辜疎網妖鯢漏盤藪怪禽逋薄飛尚
假息乳視暫稽誅乾靈振玉弩神畧運璇樞日羽廓遊
氣天陣清華野升晅光西夜馳恩溢東瀉揮袂靜崑炎
開闢納流赭錦輶凌右地華纓羈大夏清臺映羅葉玄
沚控瑤池駝一作鹿輸珍貺樹羽饗來儀輶餚觀化宇

一
雨

栖籞翠條支熏風交闊闢就日泛漾漪充庭延飲

至絢簡敷春藻迎姜已創圖命力方論道昔託遊河乘
再備商山皓欣逢德化流思效登封草

奉和行經破薛舉戰地應制

混元分大象長策挫修鯨於斯建宸極由此創鴻名一

戎乾字泰千祀德流

一作化

清垂衣凝庶績端拱鑄羣生

復整瑤池駕還臨官渡營周游尋曩跡曠望動天情帷

宮面丹浦帳殿矚宛城虜場棲九穗前歌被六英戰地

甘泉涌陣處景雲生普天嚮凱澤相攜欣頌平

奉和入潼關

羲馭循黃道星陳引翠旗濟潼紓萬乘臨河耀六師前旌彌陸海後騎發通伊勢踰迴地軸威盛轉天機是節歲窮紀關樹蕩涼颸仙露含靈掌瑞鼎照川濱冲襟賞臨睨高詠入京畿

奉和春日望海

韓夷憊奉責憑險亂天常乃神弘廟畧橫海剪吞航電

一作雷

野清玄菟騰笳振白狼連雲飛巨艦編石架浮梁

周游臨大壑降望極遐荒桃門通山抃蓬渚降霓裳驚
濤含蜃闕駭浪掩晨光青丘絢春組丹谷耀華桑長驅
七萃卒成功百戰場俄且旋戎路飲至肅巖廊

奉和元日應制

天正開初節日觀上重輪百靈滋景祚萬玉一作玉

主慶惟

新待旦敷玄造韜旒御紫宸武帳臨光宅文衛象鈞陳
廣庭揚九奏大帛麗三辰發生同化育播物體陶鈞霜

空澄曉氣霞景瑩

一作榮

芳春德輝覃率土相賀奉還淳

奉和初春登樓即日應詔

旭日臨重璧天眷極中京春暉發芳甸佳氣滿層城去
鳥隨看沒來雲逐望生歌裏非一作霏

煙颺琴上凱風清

文波浮鏤檻搞景煥雕楹璇璣體寬政隆棟象端衡創

一文作規雖有作凝拱遂無營沐恩空改鬢將何謝夏一作

廈成

奉和秋日一作月即日應制

玉露交珠網金風度綺錢昆明秋景淡岐岫落霞然辭
燕歸寒海來鴻出遠天葉動羅帷颺花映繡裳鮮規空
升闇魄籠野散輕煙鵲度林光起鳧沒水文圓無機絡
秋緯如管奏寒蟬乃曉情何極宸襟豫有旃

奉和秋暮言志應制

秋深桂初發寒窗菊餘菲波擁羣鳧至秋飄朔鴈歸月
英生還落雲枝似復非凝宸閑栖敵觀文佇少微聖敬
韜前哲先天諒不違

奉和喜雪應制

嶺州表奇貺一作觀

閟竹應遐巡何如御京洛流霞下天

津忽若瓊林曙俄同李徑春姑峰映仙質郢路雜歌塵

伏檻觀花瑞稱觴慶冬積飄河共瀉銀委樹還重璧連

山分掩翠綿霄遠韜碧千里偏浮空五輶咸淪跡機前

輝裂素池上伴一作

凌波騰華承玉宇凝照混金娥是

日松筠性欣奉一作奏

柏梁歌

奉和登陝州城樓應制

挹河濱綠宇御溝映朱宮辰旂翻麗景星蓋一作卑曳雕

虹學嬾齊柳嫩妍笑發春聚錦鱗丈碧浪繡羽絢青空

眷念三階靜遙想二南風

遊清都觀尋沈道士得清字

幽人踏箕願方士訪蓬瀛豈若逢真氣齊契體無名既
誼衆妙理聊暢遠遊情縱心馳貝闕怡神想玉京或命
餘杭酒時聽洛濱笙風衝通閻苑星使下層城蕙帳晨
飈動芝房夕露清方叶棲遲趣於此聽鐘聲

奉和七夕宴懸圃應制二首

牛闕臨淺漢，鸞駒涉秋河。兩懷縈別緒，一宿慶停梭。星
模鉛裏靨，月寫黛中蛾。奈許金宵度，長嬰離恨多。

妾閨期今夕，娥輪泛淺潢。迎秋伴暮雨，待暝合神光。薦
寢低雲鬢，呈態解霓裳。喜中愁漏促，別後怨天長。

奉和儀鸞殿早秋應制

睿想追嘉豫，臨軒御早秋。斜暉麗粉壁，清吹肅朱樓。高
殿凝陰滿雕窓，豔曲流小臣。參廣宴大造，諒難酬。

奉和詠雨應詔

舞商初赴節湘燕遠迎秋飄絲交殿網亂滴起池漚激
溜分龍闕斜飛灑鳳樓崇朝方浹寓宸盼俯凝旒

奉和過慈恩寺應制

鳳闕隣金地龍旛拂寶臺雲櫳將葉並風牖送花來月
宮清晚桂虹梁絢早梅梵境留宸矚掞發麗天才

冬日宴于庶子宅各賦一字得歸

倦遊嗟落拓短翮暮追飛周醪忽同醉牙絃乃共揮油

雲澹寒色落景靄霜霏累日方投分茲夕諒無歸

送劉散員同賦得陳思王詩山樹鬱蒼蒼

喬木託危岫積翠繞連岡葉疎猶漏影花少未流芳風
來聞肅肅霧罷見蒼蒼此中錢行邁不異上河梁

侍宴莎冊宮應制得情字

三星希曙景萬騎翊天行葆羽翻風隊騰吹掩山楹暖
日晨光淺飛煙日彩輕塞寒桃變色冰斷箭流聲漸奏

長安道神臯動睿情

奉和過舊宅應制

飛雲臨紫極出震表青光自爾家寰海今茲返帝鄉情
深感代國樂甚讌譙方白水浮佳氣黃星聚太常岐鳳
鳴層閣鄴雀賀雕梁桂山猶總翠衡薄尚流芳攀鱗有
遺皓沐德抒稱觴

奉和宴中山應制

飛雲旋碧海解綱宥青丘養賢一作更停八駿觀風駐五

牛張樂臨堯野揚麾歷舜州中山獻仙酤趙媛發清謳

塞門朱鴈入郊藪紫麟遊一舉氣霓靜千齡德化流

奉和聖製登三臺言志應制

中天表雲榭載極聳崑樓聖作規玄造軒阿復聿修高
門符令節形勝總神州企翼搏禽萃飛甍燕雀遊綴星
羅百拱緣漢轉三休旦雲生玉鳥初月上銀鉤妙管含
秦鳳仙姿麗斗牛形言防處逸粹藻發嘉猷荷生無以
謝盡瘁竟何酬

安德山池宴集

戚里歡娛地園林矚望新山庭帶芳杜歌吹叶陽春臺
榭疑巫峽荷葉似洛濱風花繁少女虹梁聚美人宴遊
窮至樂談笑畢良辰獨歎高陽晚歸路不知津

奉和聖製送來濟應制

萬乘騰轡警岐路百壺供帳錢離宮御溝分水聲難絕
廣宴當歌曲易終興言共傷千里道俯跡聊示五情同
良哉既深留帝念沃化方有贊天聰

七夕賦詠成篇

一年抱怨嗟長別七夕含態始言歸飄飄羅襪光天步
灼灼新妝鑒月輝情催巧笑開星屬不惜呈露解雲衣
所歎却隨更漏盡掩泣還弄昨宵機

擬江令於長安歸揚州九日賦

本逐征鴻一作蓬去還隨落葉來菊花應未滿請一作待許

詩人開

同前擬

遊人倦蓬轉鄉思逐鴈來偏想臨潭菊芳榮對誰開

李義府

李義府瀛州饒陽人對策擢第補門下省典儀尋除監察御史太子舍人與司議郎來濟俱以文翰見知時稱來李嘗獻承華箴預撰晉書高宗嗣位遷中書舍人以贊立武昭儀擢中書侍郎晉中書令怙寵稔惡長流嶲州存詩八首

和邊城秋氣早

金微凝素節玉律應清葭邊馬秋聲急征鴻曉陣斜關

樹凋涼葉塞草落寒花
霧暗長川景雲昏大漠沙谿深
路難越川平望超忽極望斷煙飄遙落驚蓬沒霜結龍
城吹水照彌林月日色夏猶冷霜華春未歇睿作高紫
宸分明映玄闕

招諭有懷贈同行人

一作李
又詩

遠遊冒艱阻深入勞存諭春去辭國門秋還在邊戍軒
車行未返節序催難駐陌上悲轉蓬園中想芳樹蜀山
自紛糾岷水恒奔注臨汎多苦懷登攀寡歡趣永夕飛

淫雨崇朝蒸毒霧不求綏嶺桃寧美卽鄉蒟白狼行欵
靜馳馬何常驅唐韻區遇切或改為駐誤願接輶旆塵聯翩東北驚

宣正殿芝草

明王敦孝感寶殿秀靈芝色帶朝陽淨光涵雨露滋且
標宣德重更引國恩施聖祚今無限微臣樂未移

詠鸚鵡

牽弋辭重海觸網去層巒戢翼雕籠際思彩霞端幕
侷朝聲切離羣夜影寒能言殊可貴相憶助長安

在舊州遙叙封禪

天齊標巨鎮日觀啟崇期峩峯臨渤海隱嶙控河沂

一作

渭眺迴分吳乘凌高屬漢祠

紀事無眺迴二句

建岳誠為長升

功諒在茲帝猷符廣運玄範暢文思飛聲總地絡騰

一作

裁一化撫乾維瑞策開珍鳳禎圖薦寶龜創封超昔夏

修禪掩前姬

紀事無創封二句

東后方肆覲西都導六師肅

一作

返駕移星苑揚罝馭風司沸鼓喧平陸凝蹕靜通達汶

陽遲月羽蒙陰警

一作驚

電麾

一作

巖花飄曙葦峰葉蕩

春旗石闕環藻衛金壇映黼帷仙階溢秘秬靈檢耀祥

芝張樂分韶濩觀禮縱華夷佳氣浮丹谷榮光泛綠城

紀事無張樂
以下四句

三始貽遐貺萬歲受重釐非一作質陶恩

獎趨迹奉軒墀觸網淪幽裔乘徼限明時周南昔已歎

卽西今復悲

堂堂詞二首

萬首絕句題
作題美人

鏤月成一作為

歌扇裁雲作舞衣自憐迴雪影好取洛川

歸

嬾整鴛鴦被羞褰玳瑁牀春風別有意密處也尋香

詠鳥

日裏颶朝彩琴中伴夜啼上林如許一作多少樹不借一枝

栖紀事云義府初遇以李大亮劉洎之薦太宗名令詠烏云云帝曰與卿全樹何止一枝

御定全唐詩卷三十五

謹案卷三十一第三頁後八行千里溫風飄絳羽
刊本絳訛降今改

卷三十二第五頁前一行泰折嚴享刊本折訛折
據周禮改

第六頁前四行三才保合四時邕刊本才訛材據
別本改





總校官庶吉士臣張能照
校對官檢討臣龔大萬
謄錄監生臣劉鳳樞

欽定四庫全書會要

集部

御定全唐詩卷三十六至四十

詳校官候補通政司經歷臣郭祚熾

欽定四庫全書會要卷一萬七千四百四十一集部

御定全唐詩卷三十六

虞世南

虞世南字伯施餘姚人沈靜寡欲精思讀書至屢旬不
離櫛文章婉縟見稱於僕射徐陵由是有名在隋官秘
書郎十年不徙入唐爲秦府記室參軍遷太子中舍人
太宗踐祚歷弘文館學士祕書監卒謚文懿太宗稱其
德行忠直博學文詞書翰爲五絕手詔魏王泰曰世南

當代名臣人倫準的今其云亡石渠東觀中無復人矣
集三十卷今編詩一卷

從軍行二首

一作擬古

塗山烽堠驚一作警弭節度龍城冀馬樓蘭將燕犀上谷

兵劍寒花不落弓曉月逾明凜凜嚴霜節冰壯黃河絕
蔽日捲征蓬浮天散飛雪全兵值月滿精騎乘膠折結
髮早驅馳辛苦事旌麾馬凍重關冷輪摧九折危獨有

西山將年年屬數奇

烽一作烽

微

火發金微

一作微

連營出武威孤城塞雲起絕陣

虜塵飛

微

俠客吸龍劒惡少綬胡衣朝摩骨都壘夜解谷

蠡園蕭關遠無極蒲海廣難依沙磴離旌斷晴川候馬

歸交河梁已畢燕山旆欲揮

一作正

方知萬里相侯服見

一作有

光輝

擬飲馬長城窟

馳馬渡河干流深馬渡難前逢錦車使都護在樓闌輕
騎猶銜勒疑兵尚解鞍溫池下絕澗棧道接危巒拓地

勦未

一作方

賞亡城律豈寬有月闌猶暗經春龍尚寒雲

星無復影冰合不聞湍懷君不可遇聊持報一飧

出塞

上將三畧遠元戎九命尊緬懷古人節思酬明主恩山
西多勇氣塞北有遊魂揚桴一作鞭上隴坂勒騎下平原

誓將絕沙漠悠然去玉門輕齋不遑舍驚策驚戎軒凜
凜邊風急蕭蕭征馬煩雪暗天山道冰塞交河源霧烽
黯無色霜旗凍不翻耿介倚長劒日落風塵昏

結客少年場行

韓魏多奇節，倜儻遺聲利。
其矜然諾心一作情，各負縱橫

志意

一作

結交

一言重，相期千里至。
綠沈明月弦，金絡浮

雲轡吹簫入，吳市擊筑遊。
燕肆尋源博，望侯結客遠。

求少年懷

一作垂

一顧長驅背，隴頭談談戈。
霜動耿耿劍，

虹浮天山冬夏雪，交河南北流。
雲一作風起龍沙，暗木落

鴈門秋，輕生殉知己，非是為身謀。

怨歌行

紫殿秋風冷雕甍落

一作白

日沈裁紈悽斷曲織素別

一作

引離心披庭羞

一作若

改畫長門不惜金龍移恩稍薄情

疎恨轉深香銷翠羽帳絃斷鳳凰琴鏡前紅粉歇階上

綠苔侵誰言掩歌扇翻作白頭吟

中婦織流黃

寒閨織素錦含怨斂雙蛾綜新交縷澁經脆斷絲多衣
香逐舉袖劍動應鳴梭還恐裁縫罷無信達交河

門有車馬客

陳遵一作財雄重結交田紛一作戚里擅豪華曲臺臨上路高軒

門一作抵狹斜赭汗千金馬繡軸一作轂五香車白鶴隨飛

蓋朱鷺入鳴笳夏蓮開劍水春桃發綬一作露花高談辯

飛兔一作輕羣染迴雪擒藻握靈蛇一作浮蟻泛流霞逢恩出毛羽一作

借翼失路委泥沙曖曖風煙晚路長歸騎遠日斜青瑣

第塵飛金谷苑危弦促柱奏巴渝遺簪墮珥解羅襦如

何守直道翻使谷名愚

飛來雙白鶴

飛來雙白鶴奮翼遠凌煙俱棲集紫蓋一舉背青田颺
影過伊洛流聲入管絃鳴羣一作倒景外刷羽閨風前

映海疑浮雪拂澗瀉飛泉燕雀寧知去蜉蝣不識還何

言別儔侶從此間山川顧步已相失裴回各一作自憐

危心猶警露哀響詎聞天無因振六翮輕舉復隨仙

奉和幽山雨後應令

肅城隣上苑黃山邇桂宮雨歇連峰翠煙開竟野通排
虛翔戲鳥跨水落長虹日下林全暗雲收嶺半空山泉

鳴石澗地籟響巖風

賦得吳都

畫野通淮泗星躔應斗牛玉牒宏圖表黃旗美氣浮三分開霸業萬里宅神州高臺臨茂苑飛閣跨澄流江濤如素蓋海氣似朱樓吳趨自有樂還似鏡中遊

賦得慎罰

帝圖光往冊上德表鴻名道冠二儀始風高三代英樂和知化洽訟息表刑清罰輕猶在念勿喜尚留情明慎

全無枉哀矜在好生五疵過亦察二辟理彌精幪巾示
廉耻嘉石務詳平每削繁竒性常深惻隱誠政寬思濟
猛疑罪必從輕于張懲不濫陳郭憲無傾刑措諒斯在
歡然仰頌聲

奉和詠日午

高天淨秋色長漢轉羲車玉樹陰初正桐圭影未斜翠
蓋飛圓彩明鏡發輕花再中良表瑞共仰璧暉賒

發營逢雨應詔

豫遊欣勝地皇澤乃先

一作光

天油雲陰御道膏雨潤公

田龍麥霑逾翠山花濕更然稼穡良所重方復悅豐年

賦得臨池竹應制

蕙翠梢雲質垂彩暎清池波泛含風影流搖防露枝龍
鱗漾解谷鳳翅拂連漪欲識凌冬性唯有歲寒知

侍宴應詔賦韻得前字

芬芳禁林晚容與桂舟前橫空一鳥度照水百花然綠
野明斜日青山澹晚煙濛陪終宴賞握管類窺天

侍宴歸鴈堂

歌堂面淥水舞館接金塘竹開霜後翠梅動雪前香亮
歸初命侶鴈起欲分行刷羽同棲集懷恩愧稻梁

凌晨早朝

萬瓦宵光曙重簷夕霧收玉花停夜燭金壺送曉籌日
暉青瑣殿霞生結綺樓重門應啟路通籍引王侯

奉和詠風應魏王教

逐舞飄輕袖傳歌共繞梁動枝生亂影吹花送遠香

初晴應教

初日明燕館新溜滿梁池歸雲半入嶺殘滴尚懸枝

春夜

春苑月乘回竹堂侵夜聞驚鳥排林度風花隔一作水

來

詠舞

繁絃奏涼水長袖轉回鸞一雙俱應節還似鏡中看

詠螢

的歷流光小飄飄弱翅輕恐畏無人識獨自暗中明

蟬

垂綾飲清露流響出疎桐居高聲自遠非是藉秋風

秋鴈

一作褚亮詩

日暮霜風急羽翮轉難任為有傳書意聊翩入上林

奉和月夜觀星應令

此以下詩皆在隋時所作

早秋炎景暮初弦月彩新清風滌暑氣零露淨囂塵薄
霧銷輕縠鮮雲卷夕鱗休光灼前曜瑞彩接重輪緣情

摛聖藻並作命徐陳宿草誠渝濫吹噓偶措紳天文豈
易述徒知仰北辰

和鑾輿頤戲

下一作追從鑾輿
夕頤戲下應令

重輪依紫極前耀奉丹霄天經懲宸辰帝命扈仙轒乘
新開鶴禁帶月下虹橋銀書含曉色金露轉晨飈霧澈
軒營近塵暗苑城遙蓮花分秀萼竹箭下驚潮撫已慙
龍幹承恩集鳳條瑤山盛風樂抽簡薦徒謠

奉和至壽春應令

一作奉和長
春宮應令

瑤山盛風樂南巡務逸遊如何事巡撫民瘼諒斯求文
鶴揚輕蓋蒼龍飾桂舟泛沫縈沙嶼寒澌擁急流路指
八仙館途經百尺樓眷言昔遊踐迴駕且淹留後車喧
鳳吹前旌映彩旒龍驂駐六馬飛閣上三休調諧金石
奏歡洽羽觴浮天文徒可仰何以廁琳球

奉和幸江都應詔

南國行周化稽山秘夏圖百王豈殊軌千載協前謀肆
觀遵時豫順動悅來蘇安流進玉軸一作畫舸戒道翼金吾

龍旂煥辰象鳳吹溢川塗封唐昔敷錫分陝被荆吳沫
道咸知讓慕義久成都久律初飛管陽鳥正銜蘆嚴臘
肅林薄曖景澹江湖鴻私浹幽遠厚澤潤凋枯虞琴起
歌詠漢筑動巴歛多幸霑行葦無庸類散樗

奉和獻歲謚宮臣

履端初起節長苑命高筵肆夏喧金奏重潤響朱絃春
光催柳色日彩泛槐煙微臣同濫吹謬得仰鈞天
奉和出潁至淮應令

良晨喜利涉解纜入淮潯寒流泛盪首霜吹響哀吟潛
鱗波裏躍水鳥浪前沈那溝非復遠悵望悅宸襟

應詔嘲司花女

隋遺錄曰煬帝幸江都洛陽人獻合蒂迎輦花帝令御車女表

寶兒持之號司花女時詔世南草敕于帝側寶

兒注視久之帝曰昔飛燕可掌上舞今得寶兒

方昭前事然多悲態今注目於卿卿可便嘲之世南為絕句

學畫鴉黃半未成垂肩襱袖太憨生緣憨却得君王惜
長把花枝傍輦行

御定全唐詩卷三十六

欽定四庫全書
會要卷一萬七千四百四十二

集部

御定全唐詩卷三十七

王績

王績字無功絳州龍門人文中子之弟隋末授秘書省
正字不樂在朝求為六合丞嗜酒不任事尋還鄉里唐
高祖武德初以前官待詔門下省時太樂署史焦革家
善釀績求為丞革死棄官歸東臯著書號東臯子集五

卷今編詩一卷

古意六首

幽人在何所紫巖有仙躅月下橫寶琴此外將安欲材
抽嶧山幹徽點崑丘玉漆抱蛟龍肩絲纏鳳凰足前彈
廣陵罷後以明光一作光明續百金買一聲千金傳一曲世
無鍾子期誰知心所屬

竹生夫夏谿蒼蒼富奇質綠葉吟風勁翠莖犯霄密霜
霰封其柯鵠鸞食其實寧知軒轅後更有伶倫出刀斧
俄見尋根株坐相失裁為十二管吹作雄雌律有用雖

自傷無心復招疾不如山上草離離保終吉

寶龜尺二寸由來宅深水浮遊五湖內宛轉三江裏何
不深復深輕然至潦洧潦洧源流狹春秋不濡軌漁人
遞往還網罟相繫藟一朝失運會剗腸血流死豐骨輸
廟堂鮮腴藉邊簋棄置誰怨尤自我招此否餘靈寄明
卜復來欽所履

松生北巖下由來人徑絕布葉捎雲煙挿根擁巖穴自
言生得地獨負凌雲潔何時畏斤斧幾度經霜雪風驚

西北枝電隕東南節不知歲月久稍覺枝榦折藤蘿上
下碎枝榦縱橫裂行當糜爛盡坐共灰塵滅寧關匠石
顧豈為王孫折盛衰自有時聖賢未嘗屑寄言悠悠者
無為嗟大耋

桂樹何蒼蒼秋來花更芳自言歲寒性不知露與霜幽
人重其德徙植臨前堂連拳一作蟠八九樹偃蹇二三行

枝枝自相糾葉葉還相當去來雙鴻鵠栖息兩鴛鴦榮
陰誠不厚斤斧亦勿傷赤心許君時此意那可忘

采鳳欲將歸提羅出郊訪羅張大澤已鳳入重雲颺朝
栖崑崙木夕飲蓬壺漲問鳳那遠飛賢君坐相望鳳言
荷深德微禽安足尚但使離卯全無令繒繳放皇臣力
收舉帝樂簫韶暢自有來巢時明年阿閣上

石竹詠

萋萋結綠枝煜煜垂朱英常恐零露降不得全其生歎
息聊自思此生豈我情昔我未生時誰若令我萌棄置
勿重陳委化何足驚

田山一家三首一作王勑詩

阮籍生涯一作年 懶嵇康意氣疎相逢一醉飽獨坐數

行書小池聊養鶴閒田且牧豬草生元亮徑花暗子雲

居倚牀看婦織登壠課兒鋤迴頭尋仙事併是一空虛
家住箕山下門枕潁川濱不知今有漢唯言昔避秦琴
伴前庭月酒勸後園春自得中林士何忝上皇人

平生唯酒樂作性不能無朝朝訪鄉里夜夜遣人酤家
貧留客久不暇道精麤抽簾將益炬拔簷更燃爐恒聞

飲不足何見有殘壺

贈李徵君大壽

孔淳辭散騎陸迴謝中郎幅巾朝帝罷杖策去官忙附
車還趙郡乘船向武昌九徵書未已十辟譽彌彰副君
迎綺季天子送嚴光灞陵幽徑近磻谿隱路長編蓬還
作室績草更為裳會稽置椎處蘭陵賣藥行看書惟道
德開教止農桑別有幽懷侶由來高讓主前年辭厚幣
今歲返寒鄉有書橫石架無氈坐土牀蘭英猶足釀竹

寶本無糧澗松寒轉直山菊秋自香管寧存祭禮王霸
重朝章去去相隨去披裘騎盛唐

山中叙志

一本題上有
未婚二字

物外知何事山中無所有風鳴靜夜琴月照芳春酒直
置百年內誰論千載後張奉一作鳳娉賢妻老萊藉嘉偶

孟光儻未嫁梁鴻正須婦

贈梁公

我欲圖世樂斯樂難可常位大招譏嫌祿極生禍殃聖

莫若周公忠豈踰霍光成王已興誚宣帝如負芒茫蠡
何智哉單舟戒輕裝疏廣豈不懷策杖還故鄉朱門雖
足悅赤族亦可傷履霜成堅冰知足勝不祥我今窮家
子自言此見長功成皆能退在昔一作自古誰滅亡

薛記室收過莊見尋率題古意以贈

伊昔逢喪亂歷數閏當餘豺狼塞衢路桑梓成丘墟余
一作吾及爾皆亡東西各異居爾為背一作培風鳥我為涸
轍魚逮承雲雷後欣逢天地初東川聊下釣南畝試揮

鋤資稅幸不及伏臘常有儲散誕時須酒蕭條懶向書
朽木不可雕短翮將焉據故人有深契過我蓬蒿廬叟
裾出門迎握手登前除相看非舊顏忽若一作對接形骸疎

一作形骸疎

一作形骸疎

追道宿昔事切切心相於憶我少年時攜手遊東渠梅
李夾兩岸花枝何扶疏同志亦不多西莊有姚徐嘗愛
陶淵明酌醴焚枯魚嘗學公孫弘策杖牧羣豬追念甫
如昨庵忽成空虛人生詎能幾歲歲一作歲常不舒賴有
北山僧教我以真如使我視聽遣自覺塵累祛何事須

筌蹄今已得兔魚舊遊儻多暇同此釋紛拏

晚年叙志示瞿處士

正師

弱齡慕奇調無事不兼修望氣登重閣占星上小樓明
經思待詔學劖覓封侯棄襦頻北上懷刺羨西遊中年
逢喪亂非復昔追求失路青門隱藏名白社遊風雲私
所愛屠博暗為傳解紛曾霸越釋難頗存周晚歲聊長
想生涯太若浮歸來南畝上更坐北溪頭古岸多磐石
春泉足細流東隅誠已謝西景懼難收無謂退耕近伏

念已經秋庚桑逢處跪陶潛見人

一作吏

羞三晨寧舉火

五月鎮披裘自有居常樂誰知身世憂

春日

一作初春

前旦出園遊林華都未有今朝下堂來

一作望

池冰開已

久雪被

一作避

南軒梅風催北庭柳遙呼竈前妾却報機

中婦年光恰恰來滿甕營春酒

採藥

野情貪藥餌郊居倦蓬草青龍護道符白犬遊仙術腰

鎌戌己月負鋤庚辛日時時斷嶂遮一作橫往往孤峰出

行披葛仙經坐檢神農

一作農

皇帙龜蛇採二苓赤白尋雙

木地凍根難盡聚枯苗易失從容肉作名薯蕷膏成質

家豐松葉酒器貯參花蜜且復歸去來刀圭輔衰疾

在京思故園見鄉人問

旅泊多年歲老去不知迴忽逢門前客道發故鄉來斂
眉俱握手破涕共銜杯殷勤訪朋舊屈曲問童孩衰宗
多弟姪若箇賞池臺舊園今在否新樹也應裁柳行疎

密布茅齋寬窄裁經移何處竹別種幾株梅渠當無絕
水石計總生苔院果誰先熟林花那後開羈心祇欲問
為報不須猜行當驅下澤去剪故園菜

春桂問答二首

問春桂桃李正芬芳

一作芳

華年光隨處滿何事獨無花

春桂答春華詎能久風霜搖落時獨秀君知不

北山

舊知山裏絕氛埃登高日暮心悠哉子平一去何時返

仲叔長遊遂不來
幽蘭獨夜清琴曲
桂樹凌雲濁酒杯
槁項同枯木丹心等死灰

野望

東臯薄暮望徙倚
欲何依
樹樹皆秋一作春色
山山唯落

暉
牧人驅犢返
獵馬帶禽歸
相顧無相識
長歌懷采薇

贈程處士

百年長擾擾
萬事悉悠悠
日光隨意落
河水任情流
禮樂因姬旦
詩書縛孔丘
不如高枕枕一作時上
取醉消愁

九月九日贈崔使君善為

一本無下六字

野人迷節候端坐隔塵埃忽見黃花吐方知素節回映
巖千段發臨浦萬株開香氣徒盈把無人送酒來

獨坐

問君樽酒外獨坐更何須有客談名理無人索地租三
男婚令族五女嫁賢夫百年隨分了未羨陟方壺

遊仙四首

暫出東陂路過訪北巖前蔡經新學道王烈舊成仙駕

鶴來無日乘龍去幾年三山銀作地八洞玉為天金精
飛欲盡石髓溜應堅自悲生世促無暇待桑田
上自芝蘭徑中巖紫翠房金壺新練乳玉釜始煎香六
局黃公術三門赤帝方吹沙聊作鳥動石試為羊緜氏
還程促瀛洲會日長誰知北巖一作草下延首詠霓裳
結衣尋野路負杖入山門道士言無宅仙人更有村斜
溪橫桂渚小徑入桃源玉牀塵稍冷金爐火尚溫心疑
遊北極望似陟西崑逆愁歸舊里蕭條訪子孫

真經知那是仙骨
定何為許邁心長
切嵇康命似奇柔
陳金闕迥若重石梁
危照水然犀角遊
山費虎皮鴨桃聞
已種龍竹未經騎
為向天仙道棲遑
君詎知

策杖尋隱士

策杖尋隱士
行行路漸賒
石梁橫間斷
土室映山斜
孝
然縱一作疑有舍威輦遂無家
置酒燒枯葉
披書坐落花

新垂滋水釣舊結茂陵
置歲歲長如此
方知輕世華

贈學仙者

採藥層城遠尋師海路賒玉壺橫日月金闕斷煙霞仙人何處在道士未還家誰知彭澤意更覓一作道步兵那

邪

春釀煎松葉秋杯浸菊花相逢寧可醉定不學丹

砂

黃頰山

別有青溪道斜亘碧巖隈崩榛橫古蔓荒石擁寒苔野
心長寂寞山徑本幽迴步步攀藤上朝朝負藥來幾看
松葉秀頻值菊花開無人堪作伴歲晚獨悠哉

建德破後入長安詠秋蓬示辛學士

一本無建
德破後四

字

遇坎聊知止逢風或未歸孤根何處斷輕葉強能飛

過酒家五首

一作題
酒店壁

洛陽無大宅長安乏主人黃金銷未盡祇為酒家貧
此日長昏飲非關養性靈眼看人盡醉何忍獨為醒
竹葉連糟翠葡萄帶麴紅相逢不令盡別後為誰空
對酒但知飲逢人莫強牽倚墻便得睡橫甕足堪眠

有客須教飲無錢可別沽來時長道貰慚愧酒家胡作壺

夜還東溪

石苔應可踐叢枝幸易攀青溪歸路直乘月夜歌還

山中別李處士

為向東溪道人來路漸賒山中春酒熟何處得停家

初春

春來日漸長醉客喜年光稍覺池亭好偏宜酒甕香

醉後

阮籍醒時少陶潛醉日多百年何足度乘興且長歌

題酒店壁

昨夜餅始盡今朝甕即開夢中占夢罷還向酒家來

戲題卜舖壁

旦逐劉伶去宵隨畢卓眠不應長賣卜須得杖頭錢

嘗春酒

野觴浮鄭酌山酒漉陶巾但令千日醉何惜兩三春

獨酌

浮一作在

生知幾日無狀逐空名不如多釀酒時向竹林

傾

秋夜喜遇王處士

北場芸藿罷東臯刈黍歸相逢秋月滿更值夜螢飛

山夜調琴

促軫乘明月抽弦對白雲從來山水韻不使俗人聞

看釀酒

六月調神麴正朝汲美泉從來作春酒未省不經年

食後

田家無所有晚食遂為常菜剪三秋綠殼炊百日黃胡
麻山炒樣楚豆野麋方始暴松皮脯新添杜若漿葛花
消酒毒萸帶發羹香鼓腹聊乘興寧知逢世昌

過漢故城

大漢昔未定強秦猶擅場中原逐鹿罷高祖鬱龍驤經
始謀帝坐茲焉壯未央規模窮棟宇表裏沒城隍羣后

崇長樂中朝增建章鉤陳被蘭鑄樂府奏芝房翡翠明
珠帳鴛鴦白玉堂清晨寶鼎食閒夜鬱金香天馬來東
道佳人傾北方何其赫隆盛自謂保靈長歷數有時盡
哀平嗟不昌冰堅成巨猾火德遂頽綱奧位匪虛校貪
天竟速亡魂神吁社稷豺虎鬪巖廊金狄移瀾崕銅盤
向洛陽君王無處所年代幾荒涼宮闕誰家域蓁蕪胥
我裳井田唯有草海水變為桑在昔高門內於今歧路
傍餘基不可識古墓列成行狐兔驚魍魎鴟鴞嚇猶狂

空城寒日晚平野暮雲黃烈烈焚青棘蕭蕭吹白楊千

秋并萬歲空使詠歌傷

益州城西張超亭觀妓

一作盧照隣詩
一作王勣詩

落日明歌席行雲逐舞人江南飛暮雨梁上下輕塵冶
服看疑畫粧臺望似春高車勿遽返長袖欲相親

詠妓

一作王勣詩

妖姬飾靚妝窈窕出蘭房日照當軒影風吹滿路香早
時歌扇薄今日舞衫長不應令曲誤持此試周郎

辛司法宅觀妓一作王勣詩

南國佳人至北堂，羅薦開長裙。
隨鳳管、促柱送驚杯，雲光身後蕩。

詠巫山

電影江前落，雷聲峽外長。
霧雲無處所，臺館曉蒼蒼。

詠懷

故鄉行，雲是虛室坐。間同日落西，山暮方知天下空。

句

琴曲唯留古書多半是經

見周氏
涉筆

橫裁桑節杖直剪

竹皮巾鶴警琴亭夜鶯啼酒甕春顏回唯樂道原憲豈

傷貧

被召謝病見
西清詩話

寄身千載下聊遊萬物初欲令無

作有翻覺實成虛

獨坐

雙關防易斷隻眼畏難全魚鱗

張九拒鶴翅擁三邊

園棋長篇見
韻語陽秋

御定全唐詩卷三十七